

皇

明

史

概

皇明開國臣傳卷之六

臣朱國禎輯

太子少保尚書唐公

公名鐸字振之虹縣人自幼端重有遠畧 高皇起兵從守濠州取和陽渡江定都皆與有勞庚子從討江州授西安縣丞召爲中丞勾管出知延平府洪武三年入爲殿中侍御史四年御史臺進憲綱四十條 上諭鐸元時任官但重本色人廷臣產南方者不得入風憲若耳目得人自無壅蔽何間南北鐸對曰臣聞元朝以四方多事命廷臣改憲職巡撫初出人皆驚動既至略無

能爲民間相與語曰遣使宣撫問民疾苦來如震雷去
如敗鼓至今羞之 陛下重風憲明正法度所以安百
姓興太平也未幾出知紹興府七年陞刑部尚書卽改
太常卿內親賜半俸十三年召爲兵部尚書十六年改
諫議大夫官係初設 上仍諭以好惡公私之說孜孜
奉職奸不得容尋坐事降御史上言致治在於任官任
官在於得賢宜選德行廉能京官徧歷郡縣訪求賢才
體察官吏又於見任官內遴選歷練老成兼儒吏名望
隆重者居布政按察之職庶能鎮靜一方民安盜息而
治化有成矣從之十八年陞副都明年復爲刑部尚書

錦衣衛凌虐罪囚 上命焚其刑具以囚送刑部公深
厚慎密靖康不妄取予 上每以故舊遇之時諸卿中
詹微以才勝公以德勝然不動聲色而政務修理人尤
愛之 上嘗白二人性行不同下人事之亦異微剛斷
嫉惡不容奸偽役吏髮蓬而垢容愁肌瘦不異羈囚以
不得肆其貪故若是鐸始友及臣至今三十四載交不
知變色口不出惡聲德有餘而才稍不足屢被小人誣
誤當刑者數矣朕深知其德曲宥弗罪奸人忌微剛則
謗訕滿朝鐸守官不得訾議又謂懦而無爲一切文移
計稟皆舞文弄法欺鐸賄賂公行鐸無可奈何嗚呼應

明決斷者以爲刻淵德海涵者以爲迂人之心不古若
此二十一年改兵部尚書凡各軍逃故者編冊送部查
取不得多差人勾攝二十四年置詹事院正三品上
謂吏部侍郎侯庸曰朕觀歷代賢明之君其於輔導太
子必擇忠正賢良之士體甚尊嚴後世若唐太宗爲子
擇師如李綱之徒直言正義頗有裨益今設東宮詹事
統領官屬衆務前兵部尚書唐鐸德量充然兼通儒術
其改秩仍食尚書祿本年致仕二十五年復起詹事尋
加太子賓客太子少保上渙慰諭謂共事者久夙夜
左右資弼良多凡朕事天子民一有未至務在盡言二

十八年使龍州諭降趙宗壽還復出參楊文軍事在書
守衛撫輯蠻獠所至帖然回京三十年卒年六十九郎
賻最優蓋終始保全文武舊臣中未見有及者第饋散
騎舍人直宿衛

起居注范公

公名常字子權滁州人朱青山先生孟申孫也嗜學淹
貫古今夷粹無競篤於行義 高皇兵克滁召見且問
天下惡乎定常曰常聞之得天下有道在得人心夫好
生惡殺天下人人之心今四海擾亂民鯁鯁懼不相保
主公能以除亂救民爲心不妄虜戮燔燒俾令按堵內
棟精銳之士半從軍半乘城且擇寬厚長者牧字之使
得耕守不爲他盜攻劫則四方之人雲合霧集天下不
足定也 上悅禮遇之從克和州常見諸將暴橫擾民
言於 上曰使人捐棄骨肉肝腦塗地何以成大事主

公當有以處之 上卽召諸將切責凡軍中被驅婦女
悉遣還民大悅 上間與論兵常曰古者寓兵於農今
兵興宜有制所下郡縣雖田野之人豈無材勇宜精加
簡閱爲伍各設長貳典司之耕作隙則習肄毋懈事平
之日聽其爲農如此則不煩坐食精兵可得數萬以戰
則勝以守則固其亦行古之道也一日 上以羣雄未
一命爲辭禱帝辭有奉天征討慮弗合於天心等語甚
稱 上意命典兵牘旣謀取金陵及渡江克太平授元
帥府都事丙申三月定建康皆預謀議卽命爲太平知
府募民種藝時兵亂之後乏種官廩有穀數千石常請

於朝悉發貸之至秋大稔私廩既實官廩亦充乃興
學較延師儒民甚安之上嘉其績召入爲侍儀訪以
時政及古今事宜常直對無隱又嘗紀滁和事蹟上之
上悅洪武元年四月擢爲翰林直學士尋兼大常卿禮
樂之事多委之病謝去徵詣闕仍前職列坐賦詩先成
以獻上笑曰老范之詩質樸而無華類其爲人尋遷
起居注足疾數在告賜安車出入尋允致仕御制詩
四章褒獎之賜宅於太平門遂家焉常每自稱瑯琊山
人或問曰山人隱者之稱也今君朝夕在天子左右
爲侍從臣奈何用此稱曩然應曰士各有志吾今雖忝

列從抑鄉土之念誰能忘之犬馬之齒且益衰暮天
子倘賜矜憐首丘之願可終遂矣山人之稱固吾所以
志也未幾卒于組行修潔官至雲南叅政終於任從子
震材武立戰功累官都督僉事

太守李公第異附錄貞

公名習字伯羽太平人通諸經攻性理之學以問傳爲學者所宗才負經濟元時以南人見擯斥然亦好隱遁不自炫鬻延祐初游京師館元明善家代述作甚多禮爲上客四年領京師鄉薦試渾天儀賦士皆聞筆習能記其詳鋪敘燦然授書院山長間僑居廣陵與張仲舉高季淵李五舉旦暮往來唱和乙未天兵克采石習同陶安梁貞貞字叔亨鄉典新昌人至元中入國學署慈路教授上克太平貞與諸儒迎見所言慷慨授太平根據上克之引爲行省都事遷湖廣使拜國子祭酒太子賓客日侍太等奉迎駐蹕太子讀書大本堂尋坐事放歸卒於家

平遂擢爲本府知府廉能公謹清於治體均平徭役民
受其惠吏不敢欺未幾以疾卒官年八十餘范常繼爲
守郡以大治方兵事棘上倚爲根本不輕授也習有
鄉曲之譽別號雲觀第異字仲羽中浙江鄉試與習齊
名江左目爲二李太守薛超題其坊曰雙桂吳萊謂伯
羽之文簡密嚴奧一辭弗苟仲羽之文豐腴綽麗五采
爛然劉琦謂伯羽之尊嚴如雪峯千仞嶄然特峙人莫
敢褻仲羽之溫粹如藍田美璞光輝外著天下共賞之
其學行爲時彥所賞如此及門授業者百餘人若進士
爲誠貢士陶安其尤著者也漁于義溪吟詠歌行有義

漁小菜樵干湯沙稽考制度有沙樵雜抄又有橄欖集
五卷行于世橄欖者產于南而北方不食野人食之始
惡其澁而終樂其甘名集之義如此詩冲澹典則思致
幽淡誦之使人有倉卒不能窮之趣

侍讀學士潘公

子績

公名廷堅字叔聞當塗人先世多業儒有名江左然皆
隱居不干祿仕至廷堅天資穎拔學問老成教授鄉邦
元時用薦爲高陽教諭乙未上至太平奉迎擢本府
教授明年取金陵改爲中書博士庚子除金華同知壬
寅拜侍讀學士年老致仕洪武四年起主會試得俞友
仁等一百二十人公爲人慎密謙恭未嘗有過爲一時
所重詩文皆可觀子績

子績

績字章甫幼穎悟絕人鵠角時父與談鄉邦精神文獻

模楷典則輒能強識博記比長師事陶安詔交于李淮
兄弟初授太平府教授改金壇主簿未幾擢起居注丙
午除中書左司都事丁未拜江西湖東按察使年未及
四十會修大明令爲議律官洪武元年卒謚爲人肖父
而文章清雅過之一時所作序碑傳贊皆散失不存子
孫相承所執象笏至今存焉

太守王公

公名宗顯和州烏江人少業儒博涉經史元季避亂僑居嚴州戊戌胡大海克嚴州得宗顯禮遇之及大海克蘭谿進攻婺州不克回蘭谿築城守之留幕下是冬

上親征婺召見

上曰爾與我同鄉

時有馬世熊與單朝夏三姓皆以同

鄉從上兵間上以四翁稱之且謂擾攘之際鄉里無知者或從張或它往皆已敗沒獨不棄寒微挺身率衆來從溪河嘉尚世熊爲營田使有疾賜物勞之

正濟所用命潛至婺城察聽

事體其語甚密至婺近城五里止舊識吳世傑家察得

城中守將各自爲心回以告

上甚喜曰我得婺州令

汝作知府進攻首敗石林宜孫所遣援兵次日城猶未

下樞密院同食寧安與守將帖木烈思不和果如公所
察夜遣都事李相純城詣上請降開東門納兵如約
入城遂克之置分省等衙門改婺州爲寧越府以公知
府事於是開郡學延儒士葉儀宋濂爲五經師戴良爲
學正吳沉徐原等爲訓導時喪亂之餘學較久廢至是
始聞絃誦之聲無不忻悅未幾卒上遣使祭之時有

王興宗者諫也拔知縣事李善長李文忠皆諫上曰
興宗從我有日勤廉而斷能儒法吏莫或先也秩滿陞
南昌府通判嵩州知州僉院任亮集民爲軍興宗上奏
曰有元末世聚則兵散則民明興軍民兩分若皆爲軍

何所徵賦 上曰善陞懷慶知府朝京時 上問養蠶
種田官吏至興宗曰府主公勤不貪不須問還郡中道
使知蘇州三年盛有政 陞河南左布政請闕辭 上
曰久不見爾老矣武彥亦白賜宴鈔撫遣之

東閣大學士吳公

附朱康徐原素約

公名沉字濟仲蘭谿人父師道字正傳元禮部郎中有文學守宋儒家法宋濂碑有貞文議沉克負衡累辟為縣學訓導不就 高皇取婺州改為寧越府王宗顯知

府事辟沉及朱康

康字伯清義烏人少刻苦勵志淹貫經傳悉領要義受學文于黃文肅潘

遂以文章知名既應辟師

道尊嚴人皆式之浙東行省

右丞李齊公開鎮嚴州尤

加禮敬移長釣臺書院未幾

外張洪武三年詔修元史

要朝日折起為纂修官書

成授編修八年

東與巡幸中都扈行至中都選詩十

首

上覽喜曰佳詩朕為汝和有頃召康賜和詩六首

當時以為榮既而授經楚

府奉陞長史久之病廢致仕

歸窮經諸儒探研聖學嘗

取考亭語類摘其精義名

日理學纂言其為文謹嚴

精密有文集一十七卷

原

原字均善蘭谿人少受學於貞文先生博覽羣書詩

文俱有名所著五經講義強學齋文集數卷為士林

所重教十有方上即大位召至京欲用之以老辭歸
典編建江西考試其文學與況相伯仲政要及元綱日
皆稱其有功學較云主教事洪武十二年以儒士舉誤上名曰信

仲既除翰林侍制謂修撰王鉞王釐曰名既誤冒昧不

更是欺罔也鉞以國法方嚴恐觸上怒止之不聽

告改正上曰是誠恪人遂蒙眷遇數召入議論未幾

奏對錯誤降編修十三年復侍制甲申復降編修薦教

授童吳與一日儒士吳順一日遣使徵之十四年給事中

鄭相奏言尊無二上稱臣於東宮並尊非體公駁曰國

之大本尊安得有異上從之十五年降渭源教諭未

行留為翰林典藉十一月晉東閣大學士上將享

太廟致齊武英殿召公等謂之曰古聖賢垂訓立教大要有三曰敬天曰忠君曰孝親君能敬天臣能忠君子能孝親則人道立矣其言散在經傳爾等宜摘要領類編三事爲書十六年書成賜名精誠錄命公撰序進講周書 上爲分別君子小人言任禹稷必去四凶用孔子必誅正卯公頓首以去邪勿疑對八月進講後期降侍書尋改爲國子博士時方興文事公獨謂兵不可廢每云武經七書多依托之言惟司馬法與孫吳爲可信昔者齊威王使其大夫追論古司馬兵法附以穰苴之說所傳非全書宜孫吳之盛行也聖人之兵昭文德而

威不執所以生人非殺人禦亂非爲亂尚義非尚詐乃
曰兵詭道也非其本意遂纂易詩書論孟詞義涉戎事

者定爲五篇一曰兵象二曰兵用三曰兵禮四曰兵詩

五曰兵訓總題曰六經師律家食時已草創及官成均

與諸生訂正傳之崑山秦約

約字文仲先隴安人後自
崇明遷崑山父玉字德卿

業儒有至行門人私謚孝友先生約至正間官崇德州
教授洪武初應召試慎獨殿拜禮部侍郎以母老辭歸
再徵入京上疏乞復書院書堂義學守令之選另立一
科四十蒞職百日舉代郡邑三年造冊與誌書同進以
儒聞史探擇上悅以約年老難任繁劇授深陽教授
御史錄則成作制吳況薦公宿學遺老舍在館閣不報
在深陽八年請老歸卒文章務求理勝而詩尤工數游
公貢師泰尤所推重所著詩文曰焦海集別有師友話
言無史補遺孝節錄
詩經義聞崇明統

見而歎曰文武一貫有功世道之

書也十九年七月以老疾致仕卒公富著遺覽志負經
濟三進三黜而無屈溫嘗著辨言孔子封王爲非禮自
是布政夏寅祭酒丘濬皆主其說并欲去讎至嘉靖中
乃行之而用王體如故

文淵閣大學士朱文恪公

公名善字備萬豐城縣人父隱號滿峰先生宋濂有志
銘善少聰穎十歲能文通四書五經大義祖洞雲先生
嘗曰是孫必爲令器壯年以經學授徒壬辰兵變隱居
惟聖賢道學爲已任所著有詩經解願輯釋史輯等書
奉繼母李盡孝壬寅亂劇扶母避窠皆得免 上平天
下開設學校豐城舊爲富州州守強憲中舉爲訓導南
昌守許方延至郡開於 朝授教授洪武八年召赴京
廷試諸儒居首授翰林修撰署院事知制誥逾年奏封
失旨謫戍遼東無愠色日賦詩寫懷有遼海集未至賜

還鄉語子達掖曰汝力耕以供賦役我取汝祖所著皇
極經世等書考證以傳庶不墜先業十七年召爲翰林
待詔時方革胡俗嚴婚禁民習舊多犯法上疏論婚姻
律曰國重世臣家重世婚今民間婚姻之訟甚多非姑
舅之子若女則兩姨之子若女蓋法不得爲婚以故譬
家訟訟或已聘見絕或既婚復離或成婚有年兒女成
行有司逼奪使夫婦分離子母永隔寃憤抑鬱無所控
訴悲號道路感傷人心議律不精禍乃至此按舊律尊
長卑幼相與爲婚者有禁若謂母之姊妹與已之身是
謂姑舅兩姨不可以卑幼上匹尊屬若已爲姑舅兩姨

子彼爲姑舅兩姨女無尊卑之嫌爲子擇婦爲女擇婿
古人不以爲非成周之時王朝所與婚者不過齊宋陳
杞四國而已故當時稱異姓大國曰伯舅小國曰叔舅
其世爲婚姻可知至於列國齊宋魯秦晉亦各自爲舅
舅之國後世如晉之王謝唐之崔盧齊楊之陸朱陳之
好皆世爲婚媾其顯然可證者如溫嶠之玉鏡臺以舅
之子娶姑之女呂榮公夫人張氏乃侍制張昞之女侍
制之女卽榮公母申國夫人之姊也今江浙此事尤多
以致訟獄繁興賄賂公行風俗凋弊願以臣章下羣臣
議弛禁以通人情別族以明世教 上是其言嘗論以

好惡智識及虛心誠心之辨頓首稱善十八年較禮闈
陞文淵閣大學士上御文華殿進講心箴又言政治
在任人今天下太平惟選用賢才宜留聖慮他日講家
人卦皆稱吉尋違疾賜告九月卒年七十二正德中謚
文恪是時上海令思誠博雅宏粹少負文名洪武十六
年以書儒徵授文華殿大學士賜勅致仕其辭曰朕觀
古人有志之士雖髮白氣衰心猶不息故能善其始終
垂芳史冊卿懷才抱德志肩古人朕甚嘉焉惜乎年迫
衰暮志雖存而力不能任朕不忍復勞特令卿還鄉以
撫子孫享其奉養時又有鮑恂崇德人全諱安吉人張

長年高郵人張紳登州人俱年七十餘禮部主事劉庸
薦恂等明經通達治體遣使徵之恂詮長年先至上
見之甚喜賜坐顧問退就館一日俱命爲文華殿大學
士恂等固辭上曰朕以卿等年高故授此職以輔導
太子爾免卿蚤朝日宴而入不义當從其志庶不負卿
等平生所學而鄉里亦有光矣卿等何辭焉恂等復固
辭翌日放還紳後至以爲鄂縣教諭恂字有孚純心篤
行好學能文耕桑自食不求聞達嘗受易吳澄元省試
第一温州學正著有太易傳義西漢集

武英殿大學士吳公

公名伯宗本名祐以字行江西金谿縣人父儀字明善
元季薦於鄉世稱東吳先生講學受徒隨資器訓迪多
所成就尤茂於春秋著三書曰禪傳曰類編曰五倫辯
義既深密詞尤雄詔言世有楊子雲其將好之矣性剛
正篤實以孝弟爲先而將以平恕士皆歸之壬辰冠起
集鄉黨自保得免於難入國朝太守聘起之力辭卒
年六十五教伯宗十歲能文見者歎曰此兒玉光劍氣
終不可掩洪武庚戌鄉舉第一其年府判官王顓夢城
中迎狀元歎曰必吳氏子明年辛亥中會試三月乙酉

朔俞茂仁等一百二十人廷對 高皇親製策問詢以

古帝王敬天勤民之道公條答稱旨擢第一人時初開

科取士 高皇得之儀觀儼恪應對明辨喜甚賜袍笏

冠服授承直郎禮部員外郎與學士宋訥同修日曆胡

惟庸方用事羅致庭臣入其黨公亢直不爲屈惟庸中

以事謫居鳳陽上書論時政并言惟庸專恣不可獨任

上得奏卽召還賜衣鈔使安南得馴象方物以獻除國

子助教十二年進講東宮首陳正心誠意之說 皇太

子嘉納明年改翰林典籍 御製十題命賦立就詞語

峻潔 上大稱賞曰才子也賜織錦衣十四年陞太常

寺丞明年爲國子司業皆辭不拜忤 旨貶金縣教諭
至淮安召還爲檢討壬戌初設殿閣學士以爲武英殿
大學士十六年弟仲宴爲三河知縣薦舉不實公爲所
累復降檢討十七年坐文字進不以時謫雲南卒公博
學能文詳雅不苟合屢獲譴無所悔所著有南宮使交
成均玉堂三集

尚書大學士劉公

公名仲質字文質分宜縣人好學博通經史洪武初爲
宜春訓導薦入京奏對稱旨擢翰林典籍十二年鼓
正春秋本末十五年拜禮部尚書四月諭曰孔子明帝
王之道以教後世使君君臣臣父子子綱常以正彝
倫攸敘其功泰乎天地天下郡縣廟學並建而報祀之
禮止行京師豈非缺典卿與儒臣其共定釋奠禮儀頒
之天下學校令以每歲春秋仲月通祀孔子丁巳上
謂仲質曰國學新成朕將釋菜令諸儒議禮議者曰孔
子維聖人臣也禮宜一奠而再拜朕以爲孔子明道德

以教後世豈可以職位論哉昔周太祖如孔子祠將拜
左右曰孔子陪臣不宜拜周太祖曰孔子百世帝王之
師敢不拜乎遂再拜朕浚嘉其明斷不惑左右之言今
朕有天下敬禮百神於先師之禮宜加尊仲質乃與儒
臣定議上服皮弁執圭詣先師再拜獻爵後又再拜退
易服詣彝倫堂祭酒司業博士助教進講賜坐侍臣以
次列於東西講畢宣諭學官諸生而還明日祭酒率學
官上表謝 上從之十一月奉 旨條學規一十二款
合欽定九條梓行頒賜師生本月奉命頒劉向說苑新
序於天下學較令生員講讀十一月戊午做宋殿開大

學士之制以仲質爲華蓋殿大學士宋納爲文淵閣大學士吳伯宗爲武英殿大學士吳沆爲東閣大學士上親製誥文賜仲質曰朕閱宋書見尚文之美崇儒之道廓焉且當時諸儒皆以賢德輔景運三百有奇今特倣宋制殿閣之名必期近侍有補文並歐蘇爾仲質才頗稱任授以華蓋殿大學士奉議大夫爾往欽哉未幾坐事降御史後以年老致仕仲質爲人篤厚文多質實如其人詞林記誤作邵質卽仲質云

翰林學士朱公

附張桂

公名升字允升休寧人後爲歙人幼師陳棨剖擊問難多所發明標深器之至正癸未偕趙汭從黃楚望講道明年歸作經書旁註是秋登鄉試內艱後四年戊子省授池州學正田歲入富于他學官吏蠶食既至會計出入盡去宿弊以身立教士皆興起秩滿南歸斬黃之兵已至微矣避兵奔竄往往閉戶著述不輟越五年丁酉大明兵下微被肯召見上問之對曰高築牆廣積糧緩稱王上嘉其朴遂參密議尋辭歸吳元年丁未徵拜侍講學士知制誥同修國史上親製誥詞有曰

眷我同宗之老實爲耆哲之英於開國諸公好得其實

無何



學士張經

經字子經寧波奉化縣人東髮受書

諸同志又上論述古達於高辛下據三史會於有宋述
近理則繁制比事於通鑑較義於綱目斟酌前編而必
不苟同至於尊正統以定大分凜然大義萬世不可易
也其紀年則司馬公之補遺其書法則朱文公之綱目
猶不敢自比於二公故但名之曰通鑑續編人稱其文
核其事詳其旨淵以該謂良史之才上禮重陞直學
士未幾以爲直學士特免朝謁優禮之七月領樂舞生
老致仕

入見設雅樂問視

上親擊石磬命升識五音誤以宮

音爲徵音

上不憚賴熊鼎解之得止洪武元年二月

上御東閣顧謂升曰近觀周禮有所謂六夢者朕嘗感
異夢厥光維何許曰人之精魄上通於天此陛下受

命之兆也軒轅夢游華胥天下大治帝王之興自有天命蓋振古如茲矣三月命儒臣修女誡又諭升修齊之本遂受命纂輯二年三月復命撰齊戒文是月請老歸石門居梅花初月樓上親洒宸翰以賜庚戌卒年七十二學者稱爲楓林先生著有易書詩周禮儀禮禮記孝經四書小學旁註及書傳補輯諸書傳解行於世子同爲禮部侍郎

原缺

尚書司業劉公 川李叔正梁宏陳繼先

公名崧字子高泰和人舊名楚元季鄉舉 國初改今

名七歲能賦詩嘗侍世父夜寢聞雞聲因命為題應口

成一絕末云喚醒人間蝴蝶夢起看天上火龍飛世父

驚歎家貧力學年十六投徒十九游南昌時善賦者李

叔正 叔正初名宗願字克正靖安縣人方學父母俱喪

博通古今友諒陷南昌妻妾投井成遂終身不娶而午

以爲叔正四年歲至京仍學正遷渭南丞有同州人與

人皆安之遷興化知縣召爲禮部員外郎年老乞骸不

許吏勸教凡三至太學益整厲無敢越俟者遷御史是

人言老御史信乃明陞如是九年擢湖廣參政十年陞

人言老御史信乃明陞如是九年擢湖廣參政十年陞

布政十二年召爲禮部侍郎十四年陞本部尚書七月
日本貢使至上都還仍命叔正等爲書責之十五年
辛酉年而下稱十才子見其製作莫不推讓復走楚浙
所至觀覽名勝詩道益昌薦授龍溪山長辭至正中舉
明經進士捷至適自田中摘栗歸悵然泣下曰始二親
篤於訓子奈何今不及見兵燹家蕩覆遺地無以爲生
國初以薦召見授兵部郎中小心謹畏歷署駕部禮部
事奉命鎮江徵糧多公侯田土往往掣肘力持平與小
民一體輸納歸奏稱 旨又往廣東買馬得五百八十
四匹又明年往山東點視驛遞驗漂失海船衝冒風雪
凡四閱月訖事在兵部幾三載以振職稱祭方丘與吳

琳宋濂侍從應制賦詩甚見褒賞六年陞北平副使持
憲綱靜臨之招林逋逃寇安反側考覈屬官以廉慎爲
先獄獄必以情典學教士刻石立規考同風俗制文天
祥祠度驛路衝僻爲之哀損關防墮引及私販者甚有
政績坐事爲胡惟庸所中輪作京師尋放歸十三年惟
庸未上手勅召拜禮部侍郎稽古典禮上嘉之以
文學雅正屬以撰述學士宋景濂見而歎曰此司馬遷
之文今未有過者而于詩則尤所遜服四月攝吏部尚
書時郎陸讓以察爲明一處以寬銓次有方藻鑑不爽
五月災異致仕十四年三月起尚書李敬爲祭酒公爲

司業令朝夕繼見燕語焉時四月得疾猶強坐訓諸生
曰 天子遣松教國子將責以成功而遽死乎卒年六
十一 上爲文命御史唐壽諭祭公所居室敝半覆以
茅家有田五十畝皆館授時所置後居官未嘗有所增
益在北平時身所覆被亦館授時物也嘗爲鼠所傷始
命更置其故鼠傷者仍命補葺以衣其子歷官十一年
未嘗以家累自隨嘗携一童子到官亦遣還每夜孤燈
一榻讀書不輟五更衣冠起坐待旦當赴北平時始盡
支職方俸廩易得白金九十兩封託鄉人及歸往取其
人已用之止餘封紙亦不復問爲人華溫顏吳詞而見

者廉以敬問學之功者而彌篤在太學識拔梁宏

宏字

南海人少穎敏被選為弟子員貢入官監以學行知名

司業劉崧試其文擢為秀才同館蒙由道輩莫不推重

居二載乞假省親方孝孺為南士之說其甥陳繼先

贈之歸廣州後聞長安其變遂不復仕

字仲述泰和人國初家毀於兵存者惟母及弟姑之夫

劉尚書崧來撫諭使學遂往受業焉雖貧約僅自立而

氣崖高邁肆力古學靡不究覽文章渾渾然渾渾浩博洪

武乙丑進士授御史按事出西閩海時天下決獄多籍

於京師又高皇矜慎稱旨實難獨公所說不用咸

而得情憲臺章疏多出其手取輒為文自娛士大夫識

與不識皆稱焉陳古文而不名也然多散失存者五卷

其武甲戌歿於官坦夷簡質他人乃投曲中又不能入

終始一節

未嘗少變之學皆本於公與人言未嘗及官政歲儉姻

黨族人不能自養者輒贈給之手筆子史醫卜地理等

書六十帙北平八府志書三十帙北平事蹟一帙詩文

書六十帙北平八府志書三十帙北平事蹟一帙詩文

三十餘帙而職方集行世

明史紀事本末

卷之二十一

三十一

侍郎司業張公

公名智字玄略延平府順昌人元末父昇元以神童薦
補太學校秘書郎五遷至江西儒學提舉智生而聰穎
讀書過目成誦群兒爲嬉戲之事必正色端謹如老成
人待父學於南昌長益勵志問學嘗慨然歎曰采玉必
於崑山撿珠必於滄海爲學豈可不出戶庭哉卽挾策
入元都交當世名士用薦入國學四方兵興以才出參
閩省機務省臣承制授智同知新喻州知事不可爲退
居建陽窮搜博覽沛然有得洪武戊午明經薦爲夷陵
州學正凡九載艱歸辛未服闋入朝尚書趙勉言其學

行拜禮部貳左侍郎卽首言宜以書籍頒布北方學較
議者以費財不便正色曰使賢才秉征利益生民何惜
此費 高皇聖學超傑以尚書咨義和惟天陰騭下民
二簡蔡沈註誤嘗問羣臣七政左旋然乎答錄與權仍
以朱熹新說呈 上曰朕自起兵迄今未嘗少置步覽
焉可循儒生腐談因命智與學士劉三吾等改正爲書
傳會選刊示天下學生曰凡前元科舉尚書專以蔡傳
爲主考其天文一節已自差謬謂日月隨天而左旋今
仰觀乾象甚爲不然夫日月五星之麗天也除太陽人
目不能覘其行於列宿之間太陽與五星昭然何以見

之當天清氣爽之時指一宿爲主時太陰居列宿之西
一丈許盡一夜則太陰過而東矣蓋列宿附天舍次而
不動者太陰過東則其右旋明矣夫左旋者附天體也
必於五星右旋爲順行左旋爲逆行其順行之日常多
逆行之日常少若如蔡氏之說則逆行多而順行少豈
理也哉若不韋正有誤方來今後學尚書者天文一節
當依朱氏詩傳日月之交註文爲是又如湯誥內惟天
陰騭下民相協厥居一節蔡氏俱以天言不知陰騭下
民乃天之事相協厥居乃人君之事天之陰騭下民者
何風雨霜露均調四時五穀結實立蒸民之命此天之

陰陽也君之相協厥居者何敷五教敘五倫明刑以弼教保護至治使強不得凌弱衆不得暴寡而各安其居也如或蔡氏之說則相協居事皆付之天而君臣但安居自若奉天勤民之政略不相與又豈天佑下民作之君師之意哉今後當依此說未幾實授是時諸儒多有不稱任使至嬰顯僇 上勅智等曰古之儒者務學以明體適用窮則忠信篤敬以淑諸人達則忠君愛國而澤被天下朕自御宇以來擢用儒士布列百司得人稱任而卒少見效良由師道不立故成材罕聞爾禮部宜以朕言論天下俾凡爲儒者必恪遵古先聖賢之道以

修已教人毋徒尚文藝云智請首行於太學從之尋奏
歲貢生員舊制中式者送國子監不中者罪有司停學
官俸生員罰爲吏今不中者遣還讀書有司教官罰如
故是生員不率教者無所勸懲也 上命更定不中者
有司官任及三年論如例二年以下者停俸有差學官
無分久近罰如例生員廩食五年者爲吏不及者遣歸
讀書次年復不中者雖未及五年亦罰爲吏壬申 懿
文太子薨命禮部議喪禮智上議曰喪禮父爲長子服
齊衰期年又云期之喪達乎夫夫今斟酌其宜 皇帝
當以日易月服齊衰十二日祭畢釋之在內文武百官

卽日於公署齋宿素服入臨文華殿給衰麻越三日成服詣春和門會哭明日素服行奉慰禮其當祭祀及送葬者仍衰經以行在京停大小祀事及樂至服闋日而止停嫁娶六十日在外文武百官聞喪易服於公署舉哀次日成服行禮停大小祀事及樂十三日停嫁娶三十日其内外文武百官行祭禮者自備儀物上曰朝廷百官府庫俸祿皆出於民今祭祀儀物令光祿寺供具百官惟致哀行禮餘如議尋以時享在邇令智與翰林院參考古制智等奏曰王制三年不祭惟祭天地社稷不敢以畢廢尊也今定議天地社稷先師歷代帝王

須用樂外惟太廟乃祖先神靈所在國既有喪而時享
仍用樂恐神不樂聽宜備而不作詔從之居二歲以事
左遷爲國子學錄尋陞博士建文中陞司業奉 命代
祀孔子於闕里 文皇帝幸學智講周易賜賚甚厚智
儀容儼肅多識典故教人以規矩開導獎勸老而弗倦
丙戌卒年七十二

祭酒宋文恪公

附余族

吳頤

公名訥字仲敏滑縣人父崇祿字壽卿元行臺侍御史
追封魏郡公贈叅知政事諡忠肅訥承家教矩矱自檢
性持重尚冑館師友切慤學問該博元至正癸卯進士
令鹽山兵亂隱居洪武二年中書省徵儒士十八人纂
修禮樂公與焉事竣不仕而歸五年過元故宮作詩傷
之讀者知其明於春秋華夷之辨也十三年四輔官杜
敦薦之召至當上意授國子助教橫經發難擊節廓
蒙學者歸向十五年應制同諸儒撰勅文十六通援筆
立就上大稱歎拜學士特建太學上幸學博士龔

敦統經祭酒吳願進講 上喜召公至奉天門令爲太
學碑賞賚并召其子安賜鈔十錠 上每親書或諭用
人必與擬議皆稱旨十一月改文淵閣大學士時年逾
七十 上親製誥詞引尚父興周八百爲此蓋自宋濂
唐同而後惟公時被召對旣感知遇日有補拾甚見親
信嘗寒附火燎臍下至膚乃覺 上製文警誥曰臍者
協也豈爾居約不能協人主至然耶公惶恐謝明年祭
酒吳願免官 上簡片公特賜勅以往嚴繩準推恩義
身言並教寢食學廂不復家宿一時士皆適用 上猶
慮功臣子弟有不服者以曹國公兼領監事由是貴胄

肅然一日公病遣中使諭卿稟天命之性發仲尼之誠
施已之幽德修道教人所以病不病而速差以其有神
也又嘗言宋祭酒骨格必壽命書工圖像 上問昨公
服坐堂上何以有怒色對一生獻茶跽而碎其甌念臣
不才朱於教敬中心自訟不意爲 陛下所知 上喜
慰出畫像示之以老召其子進士望江主簿麟侍養十
八年父雨來直言獻安邊策曰今海內旣康蠻夷奉貢
惟沙漠胡虜未遵聲教若置之不治則恐歲久隄類爲
患邊圉若欲窮追遠擊又恐六師往還萬里餽運艱難
士馬疲勞 陛下欲爲 聖子神孫萬世之計要不遇

謹備禦之策耳。備邊固在乎兵食足食。又在乎屯田。屯田之制必當法漢本始年中。匈奴帥十餘萬騎南向欲爲寇。漢將趙充國乃將四萬騎分屯緣邊九郡。單于聞之引去。夫以四萬騎分屯九郡而充國統制其間。則當時籌畫區分。槩可想見。我朝諸將中。勇知謀畧。豈無如充國者哉。陛下宜選其尤者數人。隨其遠近高下立法分屯。所領衛兵以充國兵數斟酌損益。率五百里屯一將。布列沿邊之地。遠近相望。首尾相應。耕作以時。訓練有法。遇敵則戰。寇去則耕。此長久安邊之策也。又何必勞師萬里。求僥倖之功。以取無用之地哉。上嘉。

納之令邊軍皆屯田著爲令乙丑丙辰兩科 上親策

士魁選恒在太學得士居天下三之二及任亨泰廷對

第一召公褒賞命謨進士題名記立於監門學錄金文

徵異其嚴與同官田子貞等誣訥罪職吏部尚書余燦

燦字茂本崑山縣人有雋才請春秋之學洪武十年以

明經授永祿郎十五年進通政司叅議十七年拜吏部

尚書八月奏准來朝官明年正旦各造事蹟文冊仍書

地上人民圖以十二月二十五日至京惟雲南遠邊特

免又立吏員擬用法填家故錄工既貴猶稱余待詔兄

有卿飲酒禮序引古無違感稱之可以興孝弟厚風俗

爲人長者未嘗譴毀人每進見微有所寬釋居家尤恭

謹望里門卽下故所往來必自名若未嘗貴者乃爲文

徵所誤 移文令致仕訥陛辭 上驚問知其故皆坐誅

闕形暴罪勅曰學校教育天下英材之所師者模範根

本官於學者君命也自祭酒而下分所學之優劣辨職
級之等差要當起居常道語出人儀文微等不知育才
之所模範之源君命之重等差優劣之分交通吏部貢
緣爲奸誣祭酒訥受賊餓死生員尅落師生廩膳夫其
所教生徒或大家公侯子弟父母兄長欲其成才幣帛
鞍馬錢物酒殽厚禮於師此賢父兄也彰師之教爲儒
者榮孰云賊也生員有疾存問飲食親教之師當告知
輿病疾甚者告有司藥餌之不存問飲食藥餌或有傳
生親教師當坐祭酒提綱而已乃云餓死生員又云尅
落師生廩膳以卑誣導飭非惑聽庸人不淺仍慰訥復

位二十二年命謨帝王廟及廣惠祠碑文明年正月有
疾尚醫來治二月朔疾甚其子及屬官懇請歸家屬聲
曰是何風雲氣少男女情多況在丁社兩祭齋戒中耶
三日丁酉祭畢舁歸抵暮卒不一及家事年八十 上
悼惜自製文遣官致祭又遣行人祭于家爲治墳塋故
事文臣四品無給喪費者給自公始又官其次子鄉邑
訓導復祖爲司業其後辛未太學生有連舉大魁者
上曰此宋祭酒訓迪之功也諸生守官稱職者多出公
門 上每舉爲教國子者法三十年以張顯宗韓克忠
署祭酒司業事 上因思公坐奉天門諭太學生曰宋

訥作祭酒學規嚴肅秀才循蹈規矩向學中用朝廷以
故得人訥善終朕禮送回鄉葬又令沿途有司祭訥近
年老秀才做祭酒懷異心不肯教誨改廢訥學規今年
少秀才署學事違犯學規重罪投沒頭帖謗師長者首
人賞銀百兩犯者凌遲沒產正德中謚文恪公家西南
三里卽瓢子堤忠肅橋亭曰西隱公更築白雲茅屋其
間所著詩文二十卷號西隱集

吳公

吳公名頤字伯昂歸德州人容貌魁偉洪武十五年祭
酒李敬得罪頤以儒士舉至京特命爲祭酒上諭以

教法五月己未國子監落成遣官以大牢致祭自經始
以來 車駕臨視者數次規模閎壯前代所未有也乙
丑 上親幸謁孔子釋菜禮成退 御講筵願等以次
講畢 上諭以儒行儒教中正之道 賜宴竟日而還
丙寅願率博士龔敦等上表答謝各 賜羅衣二襲官
民生許恒等四百三十人各 賜青夏布衣十六年正
月乙卯 賜願等及監生沈肅等七百六十六人元宵
節鈔時武臣子弟有怠於學者願以寬縱不繩檢免還
鄉後以疾終於家

司業王公

公名嘉會字原禮嘉興人少博洽負俊聲元末累舉不第客松江爲人溫淳和緩後進樂就講論來者修胝戶恒滿上海令康伯迂見其詩詞敦雅敬禮之引爲上賓時咨文章口非此不能節吏治然非公不能洗發我心也會詔舉明經應聘至京高皇命賦詩應制稱旨復試其文賞異之除翰林院檢討洪武十五年九月陞國子右司業時宋訥爲祭酒太學生常數千人嘉會與訥及左司業龔敬廣立楷範三人者春秋已高鬢髮鬢如正衣冠旦夕端坐諸生雲集階下肅然望而畏之以

是士類率教多所造就吏部取擢輒能其官 上知其勞眷待殊厚十六年冬以老疾乞歸 優詔調治十七

年七月特賜致仕未行卒於官舍年八十餘 上震嗟

悼命禮部移應天府給舟車還仍命所在官司祭之同

時松江寓公孫作作字大雅 字次知江陰人自曾祖

清尚先生稱之著書十二篇號東家子詞旨閑博至正

兵起草家至姑蘇盡棄他物惟載先世藏書兩鹿張士

誠聞而康祿之以母病謝去用是益貧然畧不爲動久

之衆爲買田築室家於松江洪武癸丑起築修日曆授

翰林編修官乞外授太平府教授三年選學官除國子

助教明年分教中都又明年還成均又明年陞國子司

業卒著有

洽學集

先爲司業與公最相善人稱曰海濱二老

皇明開國臣傳卷之七

臣朱國禎輯

尚書學士承旨唐公

附吳琳

呂本

公名同字同文舊名書婺源人穎靈抱奇氣學士虞集
弟槃見而奇之妻以女授易于甘楚材學春秋於劉彭
壽至正中舉茂才異等授郴州學正遇亂道梗奉父靡
家黃州仕陳友諒爲學士承旨兼御史甲辰王師下武
昌來歸與講經史占對不窮授中書博士因薦吳琳
同縣人父應討好施教里中稱西山先生琳純篤力同
學王師下武昌徵名儒唐同以琳應召爲周子助教與
同並教胄子琳才藻不及同而經義過之上時召琳
咨時事吳元年遷浙江食事尋陞兩淮運同皆效職有

名稱入焉起居注洪武四年陞太常卿本年晉兵部尚書八年與司業宋濂主京闈鄉試十月具奏將士之數凡二十萬七千八百二十五人各定爵所五年有事于方丘上命琳與濂選文學能賦之士以從琳進學士夏悅等稱為盛典六年代呂本為吏部尚書與魯同選視事七年以老致仕家居密使督之使潛至旁舍見一農人坐小兒起拔秧布山貌甚端謹使者曰此有吳尚書家安在其人尚在否農人歛手對曰琳是也使者還白上益重之第環經義并得召時方集功臣子弟於衢州同知卓有政聲

內府令教之改國子博士淹貫羣籍有叩輒應制制敏捷易名曰同尋陞考功郎中未幾以為侍制起居注丙午命求遺書攷宗廟時享禮洪武元年四月命講古孝行及起家戰伐歷來愁苦為圖以垂世訓二年陞侍讀學士會中丞劉基疏請存待大臣之體勿加困辱同因

取戴記及賈誼疏以進且復開說剴切 上深納之四

年陞吏部尚書六年改學士承旨仍同呂本

本鳳陽壽州人仕元

為元帥府都事其後來歸歲丙午為中書掾史吳元年授湖廣行省照磨洪武二年陞中書省右司郎中四年改左司郎中五年陞刑部侍郎尋遷吏部尚書六年除太常寺卿七年以事左遷北平僉事尋召還授禮部尚書未幾出為兩浙運使十二年復授太常寺卿

洪卒賜葬鍾山之陰無子其女為 皇太子妃

迭視吏

部事與樂韶鳳上所製釋奠先師孔子樂章迎神奏咸

和之曲奠帛奏寧和之曲初獻奏安和之曲亞獻終獻

奏景和之曲徹饌奏咸和之曲送神復奏咸和之曲

上曰祭貴乎誠若省牲告克告肅及禮之煩文者並宜

節之九月同等上言自 上起兵渡江以來功業隆重

再開乾坤帙古帝王雖有紀載而未成書乞編日曆藏之金櫃傳于後世 上從其請命與侍講學士宋濂爲總裁官濂薦義烏人黃和可贊編摩 上召和西苑慰問良久復使見 皇子賜綺裘革履它日 上召同與劉基宋濂燕便閣同被酒還史館賦詩贈和少選復宣赴右順門 上乘步輦至曰卿餘醒未解邪同對臣雖醉猶能賦詩贈黃秀才 上亟取觀之咲顧濂曰朕卽和同詩卿爲書之書訖賜和蓋一時翰林學士同與宋濂吳沉樂韶鳳並有時名號詹吳樂宋而同濂尤被寵矣一日偶言及竹 上曰竹類亦多乎對數凱之所請

至五十餘種惟吳越山中有方竹者四枝莖上若有廉
隅上大夫往往以爲邛杖 上曰有諸乎對曰有之既
退獲一枝以獻 上摩娑悅之御草方竹記一通記末
美同人偉氣豪召至端門繕書賜之七年五月大明曆
日成自 上起兵臨濠至六年癸丑冬十二月凡征伐
次第禮樂沿革刑政設施羣臣功過四夷朝貢之類無
不具載爲一百卷又與宋訥言曆日藏之天府人欲見
之有不可得臣請倣唐太宗貞觀政要分類更輯聖政
爲書以傳天下後世 上從之分四十類自敬天至制
蠻夷凡五卷名皇明寶訓自後凡有聖政史官日記錄

之隨類增入九月詔科舉暫且停罷令有司察舉賢才
必以德行為本文藝次之仍令同選國子成材者與所
舉叅用授主事給事中御史等官時用彭通等爲給事
中并國子生李擴等入文華武華二堂謂之小秀才丙
寅 皇明寶訓垂成同請老賜勅遣歸未幾起爲學士
承旨六月與宋濂議以 上行初獻禮奠玉帛將畢卽
分獻官行禮亞獻終獻皆如之 上從其議又謂古人
祭用香燭皆所以道達陰陽以接神明初無上香之禮
遂定凡祭祀罷上香復以老乞休許之官其子魯召入
賜坐從容慰勞出御製文賜之尋卒於家所著天衢吟

嘯及海濱集子後

尚書祭酒樂公

公名韶鳳字舜儀

一日廷瑞

滁州全椒縣人乙未謁

高皇

於軍門與語奇之是秋扈渡江叅軍事從下金陵丁酉
授江西行省管勾洪武三年授起居注四年遷給事中
尋進中書左司員外郎本年陞兵部侍郎六年陞本部
尚書正月戊午 上念天下既定恐中外將卒習於安

逸弛武藝命同省臺督府定議教練軍士法并定賞罰
各有差本年六月改侍講學士與承旨詹同定祀孔子
樂章七月製中都城隍神主 高皇親爲文遣韶鳳奉
安九月編集大明日曆命爲催集官又命擇唐宋名儒

表箋可爲式者頒行天下七年九月上以祭祀選用樂舞前導命翰林儒臣撰樂章以致敬慎鑒戒之意仍諭皆寓諷諫之意至是上所撰神降祥神貺惠并鬯酒色荒禽荒諸曲凡三十九章曰回鑒樂其辭皆存規切其舞分爲八隊皆八人禮部具圖命樂工肄習之八年三月上以舊韻起於江左多失正音命與諸廷臣以中原雅音正之書成名曰洪武正韻九月命致陵寢朔望節序祭祀禮定以每歲元旦清明七月望十月朔冬夏二至日用大牢其伏臘社每月朔望日則用特羊祠祭署官行禮如節與朔望伏臘社同日則用節禮十一

月詔定登壇脫舄禮 上俱從之未幾以病免九年起
國子司業十二年三月陞國子祭酒本年八月又詔定
皇太子與諸王往復書劄禮公考據精詳屢蒙褒答

上賜諭曰文廟之設是尊先師也因之爲國學焉歷代
以之訓君嗣教公子也觀斯所以不爲不重故哲王必
選名儒以導學者今朕法前代命爾承是師範闡揚博
通使幼者記壯者解毋怠寸陰不但稱汝職任甚有補
於朕政汝往欽哉十三年雷震奉天殿 上以羣臣多
不職罷之公予致仕以壽終爲人和易簡諒兄弟皆知
名於時曰暉人材知開封府曰禮太常卿曰毅諸暨同

知並知名公有友人趙奎王才陳旭魯文質陳友此五人者並起畝澮從上渡江取采石奎體貌魁岸有材略立功授總管守宜興洪武四年從征甘肅猝遇敵衆畏怖奎獨奮殊死戰敗之上喜加賞旭英毅多智識友有膽氣常居前鋒才尤壯武文質攻醫授太醫院判奎才並都指揮使旭從靖難封雲陽伯友平蠻功封武平伯

尚書崔公 牛公 任公 李公 滕公

周公 端公 程公 錢公 任公

崔公 陳公 嚴公

崔公名亮字義夫萊城人元末爲省掾王師至舊館來
附授中書禮曹主事遷濟南知府撫綏得士民感服
洪武元年陞禮部尚書母憂仍起原官癸未詔定官員
親屬冠服及隸卒軍士等制各有差三年上諭亮曰
司天臺言朔旦以來日有黑子占者多以爲祭天不順
禮所致可爲攷古制之亮引用漢宋唐及元損益不同
復以國朝前議圖丘從祀之禮以漢唐爲煩故正祀日

月星辰太歲爲簡當 上然之復問郊祀天地拜位皆正中而百官朝參則列東西避正中何也亮對以天子祭天陞自午陞祭社陞自子陞蓋社主陰北方也故君南向答陰之義也郊主陽南方也故君北向以答陽也若羣臣朝參無答神之義俱當避君上之尊故升降則皆由鄉陞朝班則分東西立以避馳道其義不同 上是之令左右不得越三尺承命議百官及內史監官于皇太子親王前稱殿下自稱名若本宮內史本府官及承奉司于 皇太子親王前俱稱殿下自稱臣百官在上前稱 皇太子親王稱曰 皇太子某王又定大朝

會常朝及內外官員辭謝奏事侍班等禮付侍儀司行之并定 皇太子及羣臣賜坐殿上坐整整制酌宋典爲損益其他請旗纛止祭于當祭之月與夫宗廟四時之祭皆用四時孟月及歲除凡五祭于清明等節各備時物薦享俱允行五月奉命定大射禮儀頒于官府學校及定 仁祖廟號請下太常祭告博士孫吾與謂廟

號與陵號不同廟當祭陵則識別先後而已歷代皆不祭告亮駁之以爲加號不告非人情卒行之時國制草創亮引證多據經典七年卒于官時 上留心律令禮樂以宋潛溪等主議而牛諒任昂李原名滕毅相繼名

史禮二部尚書參酌考訂彬彬大脩矣

牛公

牛公名諒兗州府東平州人洪武元年以秀才擢典簿
二年副學士張以寧使安南至界其國王陳日烓已卒
日烓立以寧護勅印留洱江諒先入其國諭意黎人
聽命回奏稱 旨陞工部員外五年陞禮部尚書與詹
同定釋奠樂章又命定大祀分獻禮參考歷代帝王廟
祀 上命五帝三王及後開創之君俱京師立廟致祭
守成賢君令有司祭于陵廟又詔定文武官誥命制度
七年定喪服之制父在爲母服期年庶母無服 上讀

宋濂曰父母之恩一也乃皆三年庶母期年諒爲人朴實議禮精密以事降主事尋復職致仕時有劉昭先者協治部事七年免張善卽章善八年爲禮部尚書本年署行省叅政以事免

任公

任公名昂河陰人博覽有才譽故元舉進士拜寧晉縣知縣不受隱居讀書自娛洪武初儒士薦授襄垣訓導十一年擢御史十五年陞禮部尚書十六年同太師李善長等官往國子監考教官生員高下分列班次增立監規八條廣東都指揮使狄崇王臻言妣阮氏昔封淑

人已歿仍乞封次妻詔下廷議上言妻在日所娶皆謂之妾妻歿諸妻不許再立爲妻若以禮聘爲妻許受封贈前妻無子所生子卽爲嫡長子若妻尚在無子不許再娶而諸妾中有子者以長襲父職其子以本品推恩其母并定推封之例俱從之十七年奉命頒行科舉成式二年大比子午卯酉鄉試辰戌丑未會試不拘額數諭頒大成樂器令諸生肄習復古人之意是年甲子初科監生首舉且中式者過半上喜甚面諭祭酒宋訥以爲教導之功諭昂出榜原籍自是科舉之途始重本年署吏部事上諭曰凡文官居憂已在職五年廉勤

無過犯者照品給半祿終制在職三年者給全祿三月
未幾年老致仕

李公

李公名原名卽彥名字資善保定府安州人洪武中以
儒士至京二十年試禮部尚書奉 詔行養老之政二
十一年詔定帝王名臣從祀凡三十六人 上以趙普
不忠去之元四傑木華黎爲首不可以孫去祖因祀木
華黎去安童旣祀伯顏則阿朮不必祀如漢馮異宋潘
美忠義全始終可從祀餘悉如所擬凡三十七人二十
二年命申巾幘之禁又詔議親王以下喪制二十三年

考定合祀山川 上命王國有嶽鎮海濱者皆致祭原
名爲岡以進東海則燕齊皆祭其餘俱如之蓋以境內
爲定且得兼也三月申定官民服飾俾有古意原名議
禮精密多見施行後年老致仕南京禮部題名誤以資
善原名爲二人今考定爲一云

滕公

滕公名毅元末兵亂流寓江南乙巳年 上征吳以儒
士人見言事稱 肯留徐相國幕下五月拜起居注論
以從相國久而無過故授是職宜盡心所事他日復命
毅同楊訓文集古無道之君若桀紂秦皇隋煬所行之

事以進曰往古人君所爲善惡皆可以爲龜鑑吾所以
觀此者正欲知喪亂之由以爲戒耳又命毅與宋濂等
日侍左右甚見眷遇吳元年以湖廣重地陞按察使尋
命毅同省臺李善長劉基陶安周禎等刪律令定爲成
書付按察司官巡歷州縣使內外知所遵守毅等務存
寬人民多宜之洪武元年陞吏部尚書六卿初設一切
選除考課佐省臺裁定不激不隨人稱得體年出爲
江西省叅政卒于官

周公

周公名禎字又典江寧縣人元末兵起流寓江湖間庚

子王師平漢擢江西僉事吳元年陞大理寺丞本年陞
卿十二月詔視同省臺李善長劉基陶安定律令上
諭以簡明不可深文苛察仍命直解徧行通曉洪武元
年八月設六部陞刑部尚書本年改治書侍御史及建
廣東行省除叅政開省之初州縣正員多缺廣州香山
縣治徙在蓮峰經兵燹縣丞冲散訪在城故址經營縣
宇縣治既成百務悉辦流移四集狂寇倏至敬率民捍
禦寇乃遁去竟以勤死視至卽祭之雷州同知余驥孫
開設府治增築沿海隄岸揭陽縣丞許德增闢公署核
實田畝上其冊籍公加旌賚知廉州府脫因家古人也

招徠流民農皆復業知惠州府萬迪與廢舉隊不受松
謁孔源知縣張安仁改建縣治創立城池學校撫綏流
徙清遠知縣李鐸勤政興學歸善知縣木寅勦立諸司
廟宇長于撫恤皆上其績由是有司競勸嶺表以安會
下詔開科公豫陳聘名儒以司考試從之二年刑部尚
書世家寶坐黜復召公代三年老乞致仕去

端公

端公名復初字以善先衛人子貢之後獨以端稱省文
也一遷大梁再遷金陵三遷涇水縣復初生有遠志不
肯寂寂落人後每歎曰余大賢之苗裔也敢自菲薄乎

至正初試吏江南沉默有恒佐使者行州縣威聲獨著
會兵亂袖策言時政無能用者欲歸溧水道絕僑居金
華日以書史自娛王師取金華常忠武王鎮之聘至幕
下辭去有言于朝者召爲徽州府經歷悉力佐治均田
賦定科徭開館舍丙午通判吉州府俗尚譁訐教誡殷
勤民不忍鞭笞內艱辛亥除磨勘司丞官署新立凡泉粟
刑法物貨勾稽精密未幾陞爲令俄僚屬皆以貪敗襍
東市惟公以清白表見陞刑部尚書按律持以平恕杭
州馬甲飛糧事覺逮繫者百餘人詔往勘分囚別所人
各罰之合其辭叅驗同多者情真否則僞郡守以下皆

服罪壬子拜湖廣叅政亂後土曠民稀首下令民復業
者獨其賦事皆豫計省所轄府州縣遠者千里外設官
多闕事因不集奏請於朝擇在職賢良吏攝其政不數
月事舉民得安召還京疾卒居職能守貧嘗續座右銘
曰爲官實難貧然後安事有不可急中存寬又曰心契
上天脚踐實地人謂其能自警云故翰林學士朱升嘗
謂公爲人其謙退似儒夫其專謹似腐儒瞻視精悍似
俠客掀髯談世事似辯士而其精神超越又似逸民隱
者世稱實錄子仁字孝文義字孝思皆以儒士起家仁
翰林待詔義翰林侍書先後使朝鮮以清節爲人所服

立雙清館

程公

程公名徐字仲能鄆縣人父端學以明經進士與兄端禮皆尚經學修飾古行人稱爲小二程官編修助教徐遂於春秋世其家學由較書郎禮刑戶三部主事郎中以才稱王保保承制辟爲兵部侍郎不赴尋以司業晉兵部尚書致仕高皇召見命爲吏部侍郎洪武二年上令孔子釋奠止行曲阜疏諫曰古今之祀典多矣而獨社稷三皇與孔子通祀于天下者豈無故哉社稷者生民之本三皇者開極之主而孔子者萬世之師也曠

古以來帝王之治天下教養二字而已民非社稷三皇
則無以生非孔子之道則無以立有國者敬而祀之必
偏天下以及後世無非維持人心世道之計而示人以
崇本始報功施之典耳孔子以道設教其心未嘗一日
而忘天下天下祀之非祀其人祀其教也祀其道也天
下一日不可無孔子之道則其教不可一日廢天下一
日不可無孔子之教則其祀不可一日廢今使天下之
人必讀其書由其教行其道而不得通祀焉豈可以崇
本始報功施也哉若曰孔子非如佛氏之千百化身不
可一日間赴天下之祀而遂廢其禮則三皇后稷亦皆

生爲人而歿爲神又安得享天下之祀于一日之內乎
蓋孔子以身載道也孔子之道卽綱常之道斯道所在
如天之無不覆地之無不載如家至而日見之也非可
方體而求之也非可以一念之靈視之也其道通于天
下則其祀亦宜通于天下臣迂不知忌諱妄謂陛下
欲稍革前代之文以正祭祀孔子之禮宜于春秋仲月
上丁遣使致祭于曲阜林廟仲丁致祭于京師廟學令
天下府州縣于季丁通祀焉如是則既有等殺之節無
衰瀆之過其于祀神之禮根本之誠開示正學之方扶
持世道之計可謂曲當而無遺矣 上覽奏默然徐首

存者再其議乃定改刑部侍郎三年改本部尚書未幾卒精勤通敏事無留滯能文尤工詩歌有遺集

錢公

錢公名唐字惟明象山縣人博學敦古行洪武元年舉明經陳王道稱 旨授刑部尚書二年 詔孔子春秋釋奠遣使降香曲阜仲月上丁致祭京師免祀天下不必遍祀唐上言孔子百王師先儒謂仲尼以萬世爲上天下祀孔子天下祀聖壽報本之禮不可廢也從之上以孟子有視君寇仇等語嫌之欲節略其書并議廢祀饗令有諫者死且命金吾射之唐極言不可坦胸受

射曰臣得爲孟子死足矣 上見其誠恐命太醫療射
時已撤主矣復之得不廢一日召講席書陸立而對或
糾唐草野不知君臣禮正色曰以古聖王之道陳于
陛下不跪不爲踞又常諫宮中不宜揭武后圖忤 旨
待罪午門外終日 上悟賜飯卽命撤圖乞致仕不允
尋以薨直謫判壽州

任公

任公名亨泰字襄陽縣人貢入太學洪武十八年
殿試第一召祭酒宋訥褒諭之命撰進士題名記立碑
監門授修撰二十五年改詹事院爲府起兵部尚書唐

鐸兼詹事尋陞亨泰少詹事兼修撰二十七年擢禮部尚書時日照民江伯兒以母病割股肉食之不愈乃禱于岱嶽祠誓云母病愈則殺子以祀母愈竟殺三歲子祭有司以聞上怒曰父子人倫至重小民無識殺其子絕滅倫理宜亟捕治之勿使傷壞風化遂逮伯兒杖一百謫戍海南因命禮部定議旌表孝行事例亨泰等議曰人子之事親居則致其敬養則致其樂有疾則托之良醫投以善藥至于呼天告地思慕懇切之至此爲人子所當爲也臥冰割股前古所無雖出後世亦是間至若割肝殘害尤甚且如父母止有一子割肝割股

至喪生臥冰或凍死使父母無依宗祀永絕反爲不
孝之大者原其所自皆迂昧之徒務爲詭異以警世駭
俗希求旌表規避差役割股不已至于割肝割肝不已
至于殺子違道傷生莫此爲甚自今人子遇父母有疾
醫治弗愈無所控訴不得已而割肝臥冰亦聽其所爲
不在旌表之例從之詔與博士錢宰等正定蔡氏書傳
學士劉三吾等總其事開局翰林院正定時禮侍諸儒
甚厚酒樓成人賜鈔宴其上各獻詩謝上大悅復遣
中泰諭之二十八年秦王模薨詔定喪禮亨泰奏曰
考之喪制宜輟朝五日今遇時亨宜暫輟朝一日服制

與魯工同從之四月 上諭亨泰曰秦王旣沒國事無
統世子長成宜命襲爵爾其集議以聞亨泰議漢諸王
遣使者立嗣爲王則玄冠衰經表服以承詔事畢反
喪服諸侯受天子之命亦宜服其命服使者出反喪服
卽位而哭旣合於禮且協人情 詔製衣服命禮部行
之六月工科給事中陳洽等奏凡大臣犯重罪雖蒙恩
宥不宜仍列本班必少加降抑示勸懲 上從之詔禮
部凡大臣犯重罪得免者敘列八品九品班後九月庚
戌諭亨泰頒 祖訓條章於内外文武諸司十月奏職
事衆多供億爲難請罷朝恭賜食先是每旦視 朝奏

事畢賜百官食 上御奉天門或華蓋武英等殿公侯
一品官侍坐於門內二品至四品及翰林院等官坐於
門外其餘五品以下官於丹墀內文東武西重行列位
贊禮贊拜叩頭然後就坐光祿寺進膳案後以次設饌
食畢百官仍拜叩頭而退率以爲常至是奏上從之十
一月將征龍州以其地界安南故預命亨泰同御史嚴
震直奉制書諭之至丘溫先以書遺王國王日焜以中
朝狀元又議論英發敬之盡禮明年使還 上聞市蠻
人爲僕降御史尋免

程公

崔公名善字敬夫泰興縣人洪武中出歲貢入國子監授吏部文選主事二十年歷本司員外郎二十六年吏部尚書詹徽侍郎傅友文伏誅命善署本部事在事勤慎稱 上旨特陞吏部侍郎仍署尚書事會 上以諸

司職有崇卑政有大小無方冊以著成法恐後之蒞官者罔知職任政事施設之詳乃命善同翰林儒臣攷唐六典之制自五府六部都察院以下諸司凡有設官分職之類務編爲書名曰諸司職掌詔刻行頒布中外五月奏准各衙門吏三年後滿於本衙門見缺令史書吏內陞用再役三年給由赴京如有餘吏送赴吏部及王

府長史司若託故不給由者治以罪十月詔祭酒胡季
安選監生年三十以上能文章者三百四十一人命善
除授教諭等官二十八年實授吏部尚書一日上諭
羣臣曰善雖年少守量宏闊他莫能侔也由是煩瑣之
政頓除善又明於經濟凡所奏議允合上心一日晉
見獎曰朕有良佐何患天下不治上欲命工部爲善
營第於泰輿辭曰江鄉地隘宗親且衆誠不忍奪人以
自益也況未報涓埃何敢當此上喜曰有官居鼎鼐
無地起樓臺善與寇準同風矣家本戍籍上欲免之
頓首曰戍卒宜墻豈可以臣破例上曰善可謂社稷

臣矣二十九年以事免歸

陳公

陳公名修字伯昂上饒縣人元末甲辰歲附王師平浙江首擢理官講畫律令崇寬厚而省煩苛復倫要而黜姑息簡明正大四方翕然知有一統之制作上留心

兵刑數數講求謂唐世府兵之制稍爲近古而未精密乃擢修兵部郎中選任將帥愛養士卒令內外相維兵農相資遂爲定法上初卽位山東新下念濟南重經王氏之亂民塗炭已甚大將多練兵屯田其間非修莫可治遂擢濟南知府疏請墾田許之居二年政成詔書

褒美以天官六曹之長而明習經制建官均職惟修是
宜擢拜吏部尚書引據古典參酌時宜審地劇易制事
煩簡與凡貴賤疎數遠近寬嚴課功覈實賞賜黜陟之
類皆籌畫停當未幾卒於位繼之者莫能移易云 宣
宗采其事載在五倫書

嚴公

嚴公名震直字子敏烏程縣人有器量貌魁岸性誠實
上起民間知輸糧之苦皆有司與奸吏索詐無厭民不
堪命洪武四年令東南歲入田賦所輸以萬石爲額輸
一家主之不入於官而集於鄉自爲徵督給勘合運入

京及江北諸郡謂之糧長事創行 國法嚴民凜凜奉

行亦無所私授與費也既又有玩法害民者郡縣官亦
坐是往往獲罪乃議舉名家有行誼者主其事湖得震
直清潔自厲且處衆和易凡二十年無纖芥可指歲一
入覲守法惟謹名譽爲列郡最二十一年召至京將授
官丁內艱服闋來 朝授布政叅議留中署通政司事

奏請詳明四方差遣及訴冤皆無留滯冬十月改戶部
郎中考實江西賦稅凡五百萬悉完備二十四年賜第
於崇禮街復其家明年陞工部右侍郎二十六年造柳
葉甲鎖子頭盛六千副給皇城軍士六月拜尚書時管

建方殷綜理周密調用夫六十萬開贍脂河移置五府
六部凡事必入奏而後行繼奉旨集天下工伎二十三
萬有奇請戶役一人父兄子弟不相緣又計煩簡更定
班次率三年或二年輪入京人皆便之九月里人有訐
其從弟姪不法事命自按理無所徇 上宥之有部事
糾 旨卽身任不以累寮屬二十七年命督天下多裁
桑棗十二月降御史常州民嚴興年八十餘其子有罪
繫獄死來訴冤連二十餘人乃曉以恩仇相覆又訟凶
終之理人皆感拜吐實又憫其年老脫妄告之罪北平
人閻成郭思成誣盜糧累百餘人袁關壽以犯禁當斬

力辨皆得脫它御史妬之劾其傲且私留鄉人在署飲宴上曰此舊尚書也小事何足論斥不聽廣西龍州趙宗壽恃險恣橫潛通安南奉使往諭入其王城開示利害甚悉國王及其臣悚息聽命邊鄙遂安時刑部尚書楊靖除名以庶人巾幘使其國徵糧五萬爲龍州軍餉及其未至宣言楊某爲尚書威名素著其君臣先氣懾楊至糧集得先聲之力爲多凡所餽獻皆却留都督家人不戢追劾奏之并奏減廣東西行鹽之半二十九年復往廣西立接運法以通鹽販商民至今便之桂林河渠廢塞者因故道浚五十里導南北二江南曰漓自

蒼梧入海北曰湘自洞庭達於長江築堤治陡關三十
六旁通靈川千秋峻鑿象鼻石峯鑿灘磯以通舟車之
路西人紀之謂秦史祿漢馬援千載之後無善繼至嚴
當爲三人云上喜曰老嚴成巨功朕任得人矣又
均徭賦振風俗懲貪殘慎刑獄征南之兵需牛數千頭
皆取諸民請給鈔償其價大將楊都督行師剽掠及靖
江王府督工內人爲民害劾奏切責之祿民甯聚移教
撫安邊徼以寧在廣一年里中惡少與其父皆冒法父
獲子逃誣公長子宗仁及婿莫瀾將自脫事未白長子
庾死上爲特誅惡少父子而釋其婿三十年還陞右

都御史夏長壽

長壽字煥文長

人洪

一

年

右金都御史未幾

出知南

府

慈祥

禮部

不任

刑

成民多感化時夏秋旱

累給不應

捐俸

募民拾遺

散

之野率官屬

所請得雨三日歲大

同會澤州寇起又以才望

改往討平之以疾致仕

爲

食

都御史盡心刑獄

昭雪居多兩淮民食

鹽逋稅罪至數

百人奏皆釋之并言

關卒張千戶之罪亦得減

是年楊

靖

同仁

上以前御史屢任不稱

尤委信之多所聽從

稱其南人北相厚福未艾

又召其三子宗禮等入見

目

爲佳兒

御史李斌坐賊罪不及全家

上怒治所屬失

出罪叩首再三請罪降御史

八月復尚書益加敬慎

改

工役贖還家者四萬五千人

十一月重建太學落成甚

甚

甚

甚

壯指揮李忠奏役徒死者當戶丁以代凡四萬餘人與
詰難緩其事後悉遇赦免尤以惜民力爲重財用之需
不啻若自己出念起自昨庶以盛滿爲懼自拜官及起
轉拉辭廩祿不取升斗被詔錫一徭後力辭無福詔
認徐州馬下降御史不敢居一家隘巷未久賜第
火方還廣西陞右都命卽故第居之致仕居西塞
山中一云建文中以尚書與王佐運餉文廟立召人往山西宣諭九
月至澤州卒於館今其子孫甚繁曰杰嘉靖庚戌進士
南御史曰文梁壬戌進士主事

朱史氏曰嚴公遇

建文帝吞金事見吾學編名卿賡

紀二書世所尊信無有易者然一
文皇入京在壬午六
月十三日而嚴公之卒卽在九月十二日是時方以焚
死呂后稱建文帝備禮葬之以安人心卽文皇不
無疑惑尚諱言只拏倖奸黨爲主何暇搜索遣使驚動
海內又數年漸有傳建文帝在西南者但聲息而無
形影於是有胡尚書鄭太監之行一日訪張邁過一日
賞賜西城而終不明言其事此時嚴公捐館已久比兩
地復命上心稍安前後屢出塞而向之傳言者猶如
故也蓋前後迥不相及如此今其子孫據二書請於所
司立祠立碑習說無足惟不知卽其說果真最初臣服

稱忠後之一死其又何當不幾以性命賄投兩
著落之處乎况公之力於任事功於廣西原自卓卓
不為重而其家乘之跋出陸御史昆之手其卒
尚有山西字面乃知前輩之不可後之紛

不足為定案也

四輔官安公 李公 王公 杜公 李公

龔公 趙公 何公 吳公

公名然祥符縣人徙居潁州元季爲山東行省左丞守
萊州大軍下山東率衆歸附洪武元年授起居注轉給
事中尋擢山東叅政心行平實撫綏勤勞祿止養身餘
以給公用二年召爲工部尚書奉 命於社稷壇北建
祭殿又建拜殿以備風雨祭祀八月建議功臣守墓人
戶各以本官封爵品級爲差石碑石獸之類亦令有司
依品級成造 上從其議尋詔功臣歿者不建享堂墳
塋塋具皆自備惟戰沒者官給五年訖河南叅政九月

改行省爲布政使司陞浙江布政使十二年陞御史臺
右大夫十三年革左右御史大夫改左中丞五月坐事
免以雷震奉天殿設四輔官諱和陰陽位次公侯都督
府召充其任十四年卒年五十八 二念來歸之誠親
製文遣官祭之

李公

李公名幹絳州人元翰林編修以博士退居于鄉洪武
九年授本州訓導遣 勅召之曰朕卽位十三年夙夜
孜孜思得賢才共安天下何期大臣不職朋比爲奸雖
四凶之罪已誅而來賢之意未稱今御史薦爾博學洽

聞特遣使資符臨召有司禮送至京副朕虛懷至授四
輔官尋調蘇州知府改國子博士兩聘爲考試官後以
老致仕

王公

王公名本吏部尚書范敏

敏河南府閿鄉縣人洪武入

十三年擢武吏部尚書自胡惟庸誅後特召天下賢才
有司類多泛舉敏薦王本李祐冀敬杜瑄趙民望等俱
耆老明經行修上召拜本等爲四輔官本等又薦儒
士宋訥等並徵用之一時號稱得人本年實授戶部尚
書請稅編造費薦召至京勅曰朕觀上古君臣必正直
書未幾生事免

無私心同氣合方乃上悅天心下忻地祇致海嶽效靈
於是乎經邦論道永安社稷利濟生民臣亦昌焉朕本

布衣遇天更元運偶與羣雄並驅逢多難率英俊自中
土渡江東造基於此君天下于庶民十有三年矣永惟
致治必在得人乃訪近臣而求士得爾諸儒來朝朕甚
欲與賢者周旋以安寰宇然知人之道堯舜猶難苟面
從志異無利濟之誠則不惟昊天昭鑒實有孤於朕懷
故勅爾羣儒若志乘忠誠則可交於神明與朕同遊以
安天下豈不偉哉乃以本任春官兼太子賓客既而上
坐武英殿西廡召見諸儒使各言其志本等對曰爲士
者貴幼而學壯而行然求之往昔憤致君澤民之志而
不遇明主道不行功不立徒湮沒于世如此人者豈不

惜哉今臣等草野愚陋學不足以明道才不足以經世
誤蒙 聖上以儒臣召與圖治臣等遭遇恩榮誠千載
一時慶幸何如若不思報稱是自棄於明時何以稱士
上悅故授以是職告太廟十月勅本等竭力忠誠以感
格天心十四年正月命刑官聽兩造之辭果有驗罪正
以五刑議定然後入奏既奏錄其所授之旨送四輔官
諫院官給事中覆覈無疑然後覆奏行之有疑讞則四
輔官封駁著爲令後坐極刑

杜公

杜公名敬字致道壺關人質稟純明及長學問融貫泛

通五經尤深於易心貌俱古應河東鄉試中第一除潞城高平縣教諭陞臺州學正父憂教授鄉里尋除陝西儒學提舉及省院辟之皆不就遠近受學者爭從之門人登第及仕者衆服或臨風對月感懷述事其形於歌詠片記文辭之間所稱道號不同或南坡或太行樵或拙庵洪武十三年特徵命爲四輔官兼太子賓客司夏李三月皆上旬 御書官爵 制諭以賜每進見講明治政必以古先哲王爲範一日 上曰我今當做前代誰治天下李祐對曰當做唐太宗 上默然致對曰治天下之道莫過於堯舜 上曰我非敢當堯舜猶等

願效稷契臯陶時 上重國學問敦誰可爲祭酒者敦
舉滑縣宋訥從之訥立學規教法稱 旨 上曰老杜
所舉得人再幸其第累加賞賜親與廣和尋老疾懇辭
給驛以歸卒年七十二有驛時集四子皆以文行稱

李公

李公名祐安邑人以孝行重於鄉爲時宿儒洪武十三
年 召授四輔官司春季三月皆中旬十日賜諸老疾
師三司卿考皆得人未幾卒

龔公

龔公名敦字文達鉛山縣人學問該博德行敦實洪武

初以明經任府學教授御史葉孟芳薦至京十三年拜四輔官司春季三月皆下旬十日十四年春令頗愆遣歸後起博士歷司業祭酒

趙公

趙公名民望蔡城縣人洪武四年儒士舉因疾遣歸遊學山西十四年勅徵司夏季三月皆下旬十日以老致仕

何公

何公名顯周內黃縣人文學老成重於鄉洪武十三年薦舉召爲右正言兼諭德尋進四輔官命工圖其

像賜待漏院記及誥命旌之後以疾致仕

吳公

吳公名源字性博莆田人蚤孤力學惇禮好義至正末
舉泉州路訓導洪武三年明經授興化府教授十三年
中書舍人林廷綱薦源德行特詔徵之遂與杜敦冀敦
趙氏望李祐俱應 召至命爲四輔官兼太子賓客欲
其均調四時繼令各司春夏季上中下旬而源則司夏
季中旬每講明治政必以得賢才敦教化養黎元爲國
治之本且曰不敢上負 聖主自棄明時甚見嘉納
上聞之東苑命五人侍應制聯句七言近禮 一

先倡首句曰踞蟠龍虎肇豪英

杜牧

曰五色卿雲炫日

明吳源

曰王氣瑩然垂景象

龔穀

曰民風樂爾見昇平

趙民曰山河百二金陵最

李詩

曰宇宙千秋帝業成

上復繼之曰昭憶六朝興替事

杜牧

遂足之曰祚祥未

盡又加祚詩成上呈見賞

上亦自足全篇曰踞蟠千

古肇豪英王氣葱葱五色精嚴虎鎮山風偃草潭龍嘘

氣水明星天開萬載興王處地闢千秋永朕京咸以六

朝亨替閔前禎禎後後嘉禎老病告歸十四年 上念

其賢復詔徵赴京授國子司業未幾卒任陽保鄉薦國

子博士陽保孫昭成化戊戌進士官廣西副使

編修長史張公

公名美和初名九韶以字行清江人從外祖聶先生學不待程督日必自課年十三卽能詩合程度聶曰汝學駸駸來逼吾不能教汝矣往師前進士余復卿于襄陽盡得詩禮之傳省試不利隱居教授益攻苦于書無所不窺叅互考訂以窮其說來學者甚衆隨才造就各有所成元末盜起雖顛沛中讀書授徒如常語學者先須讀前哲格言以端其學術然後能不爲邪說所惑乃選古大儒發明經傳中語自天地鬼神人物性命繼以異端異聞其類凡五各爲條目折衷以已意去取詳明剖

析精當吳草廬孫伯尚見之稱賞題曰理學類編洪武
初薦爲本縣教諭七年教成貢入太學銓用者多其第
子十年 召至京賜衣一襲擢國子助教氣貌嚴整將
以篤實每教諸生必端坐不言有所請問徐徐應答不
過一二語然義理明達人浚服之十一年遷編修十三
年四月戊子致仕 上親爲文賜之曰朕聞古之賢士
莫不修己行仁爲時君之用否則獨善其身以終天年
或著書立言傳之永久雖不顯于當時而有功于後世
以其德重而行純學博而言信也今老成宿儒凋落無
幾獨爾以衰暮之年日侍朕左右正欲詢問古今典禮

以沃朕心奈爾不任周旋所以命卿歸老卿之去矣朕
將誰從於乎千載一遇古今之通言然全其始終者其
罕今卿善始善終不亦美乎公博學精擇善于著書故
宸翰及之嗣後應考江西者二考福建者一二十四年
典文禮部二十七年再典禮部會有蜀藩之命不果至
在蜀一年王溪敬禮之無何復召較書翰林力勤雖
蠅頭細書皆出手筆書成辭歸賜衣被各一襲丙子卒
年八十三所著類編八卷外有羣書備考十二卷元史
節要十卷

編修攝御史張公

附王璉

公名唯永豐人寓南陽洪武六年以尚書舉第一是年
上開文華堂于禁中詔擇解額內雋異者肄業其中唯
等九十有七人實與選命題賦詩詩成稱 旨皆擢編
修以贊善大夫宋濂太子正字桂彥良教之 上謂曰
昔許魯齋諸生多爲宰輔卿其勉之聽政之暇輒幸堂
中取其文親評優劣命光祿日給酒饌每食 皇太子
親王迭爲之主唯等侍食左右冬夏賜衣及弓矢鞍馬
恩禮甚厚濂輩雖司啟迪願諸生皆 上所親教不敢
以師道自居一日侍燕間詢及肄業進益濂對曰無如

張唯者因備述其雋才請錄爲弟子員 上笑而許之

三月 上命唯等各歸展墓皆攝御史以行尋還任其

時同進者又有長山王璉 璉器局沉凝學問精密師事宋濂洪武中知舉至京召見

試詩羅史館編修選入文萃堂肄業尋攝御史按河南同奏稱旨 上悅謂近臣曰文萃堂諸生如王璉等皆

異日將相才也 與符王輝河內李端洛陽張翀禮遇雖不及唯

然侍從 車駕應制被顧問未始異也

編修蘇公

公名伯衡字平仲父友龍

友龍字伯夔穎濱長子徽猷閣侍制工部侍郎遷守金華因遂家焉友龍其九世孫也受經許文懿公入閩憲府奉差憲長爲同官所忌嗾劾之章未下來奪印友龍持不可長亦撫劾同官之過欲頌繫之諍曰兩虎共鬪勢不俱生奈何效之事遂皆寢汀寇來襲臨漳督長史收巡兵破斬之民得不擾廣東都使者辟爲書史白罷逋賦舊鈔若干萬再入閩尋應浙叅政蘇天爵之辟峭直甚見敬憚清理漕事有恃勢誣民者執正之紅巾賊

犯杭州省臣皆遁叅政樊執敬以死自誓友龍請散庫
金募士擊賊樊不能從迎戰而死遂與橡李杞署號殺
賊一人受錢二百五十緡數日之間獻賊者克庭未幾
他將至遂復杭州絕口不言功藩考擢蕭山令立實田
冊差多寡役之因地儲糧因糧餉舟民皆便之歲餽弛
湖禁出倉粟以賑尋改本路總管府經歷行樞密院照
磨張士誠方據蘇州請爲幕官耻之不往陞行省左右
司都事石抹宜孫分省于處以討賊自任請友龍與劉
青田基同事勸其禮賢下士撫流亡招羣盜從之衆心
翕然已而好自用又多用故人所部將胡深章益皆雄

兵觀望公雖極力調護僅免潰散而其勢已不可爲矣
比浙東諸郡皆歸 大明怨家告公長子仕閩當死請

徙滁陽丞相李韓公奏而官之至再力辭歸臥金華山

中圖史自娛自號栗齋與山陰肅越

越幼通諸經學無不綜究文簡潔雅

與律步驟盛唐樂府古詩上薄漢魏起學官擢應奉翰林文字以失朝免官例滿佃漆而卒蘇伯衡志其墓以爲肅文足華國而身死於畔非才之有能不能亦世之貴不貴也最相知洪武十一年

卒年八十三子六人第三子伯衡

伯衡少警敏絕倫誦說不勞而習中歲大肆力於文詞

精博數腴人謂有祖風致元末鄉貢 國朝丙午選國

子學錄尋陞學正屹然以師道自任發策試士皆天下

國家大務品第精覈多士翕服著空同子警說四十首
學者皆傳誦之教胄子者五年有薦者卽日召見親擢
爲翰林編修請丞相府辭曰禁林地望親切日侍天
子左右庸顧問至華要也某不幸切有積疾雖粗穢文
史然大懼奏對失措將速刑侈誠不足堪敢辭丞相以
聞上亦弗強已而吏部將奏別官以去親日久願歸
省覲復走白丞相許之於是司業宋濂率六館之士祖
餞於龍江謂曰文定公古史一書至今傳之資治通鑑
尚闕宋元平仲歸矣其尚續諸他日使人稱曰蘇氏一
門世濟其美將不在茲乎公謝曰方抱疾未能也歸治

一室靜坐或終月不出與人少所接對人亦寧得而戲之所與游者皆四方名士非其人雖未嘗拒絕然自不敢見也洪武十年宋濂歸老入謝上問曰今在外文學復有如卿者舉以自代濂曰伯衡臣鄉人搏學飭行爲文辭蔚瞻有法要不可以徵疾廢上許而徵之至京入見上屬目欲用之辭以舊疾賜衣鈔遣歸二十一年聘主會試事竣復辭歸卒公恬靜寡欲年四十始娶容貌不逾中人而學問兼天下平居正襟凝思淵止山立雖寒暑風雨利欲紛華皆不之知嚆噤宋學析義如盤絲攻是非如白黑宋學士稱其文體裁嚴整姿態

情逸如春陽被物根葉條卉小大圓徧各隨其物而暢
之視膠滯一體守常而不知變者萬萬也文集六卷其
論文曰尉遲楚學爲文問空同子曰文有體乎曰何體
之有易有似詩者詩有似書者書有似禮者何體之有
有法乎曰初何法典謨訓誥國風雅頌初何法難乎易
乎曰吾將言其難也則古詩三百篇多出於小夫婦人
吾將言其易也則成一家言者一代不數人宜繁宜簡
曰不在繁不在簡狀情寫物在辭達辭達則二三言而
非不足辭未達則千百言而非有餘宜何如曰如江河
何也曰有本也如鍵之於管如樞之於戶如將之於三

軍如腰領之於衣裳何也曰有統攝也如置陳如堵是
第如建國都何也曰謹布置也如草木焉根而幹而枝
枝而葉而葩何也條理精暢而皆有附麗也如手足之
十二脉焉各有起有出有循有注有會何也曰支分派
別而榮衛流通也如天地焉包涵六合而不見端倪何
也曰氣象沉鬱也如漲海焉波濤湧而魚龍張何也曰
浩汗詭恠也如日月焉朝夕見而令人喜何也曰光景
常新也如烟霧舒而雲霞布何也曰動蕩而變化也如
風霆流而雨雹集何也曰神聚而冥會也如重林如遠
谷何也曰深遠也如秋空如寒水何也曰潔淨也如大

羹如玄酒何也曰雋永也如瀨之旋如馬之奔何也曰
回複馳騁也如羊腸如鳥道何也曰縈迴曲折也如孫
吳之兵何也曰奇正相生也如常山之蛇何也曰首尾
相應也如父師之臨子弟如孝子仁人之處親側如元
大碩士端冕而立乎宗廟朝廷何也曰端嚴也溫雅也
正大也如楚莊王之怒如杞梁妻之泣如昆陽城之戰
如公孫大娘之舞劍何也曰激切也雄壯也頓挫也如
菽粟如布帛如精金如美玉如出水芙蓉何也曰有補
於世也不假磨礪雕琢也將鳥乎以及此也曰易詩書
二禮春秋之所載丘明高赤之所傳孟荀莊老之徒之

所著朝焉夕焉味焉習焉斯得之矣雖然非力之可爲也聖賢道德之光積于中而發于外故其言不文而文譬猶天地之化雨露之潤物之魂魄以生華蔓毛羽極人力所不能爲孰非自然哉故學於聖人之道則聖人之言莫之致而致之矣學於聖人之言非惟不得其道并其所謂言亦且不能至矣尉遲楚出以告公乘丘曰楚之於文也其猶在山徑之間歟微空同子導吾出也吾不知大道之恢恢於是盡心焉將於文側焉無難能者矣

侍制趙公

公名倣字本初紹興山陰人博通經史爲文道健名重當時尤明於毛詩洪武六年薦至京高皇召與講論經史倣援據傳說貫穿古今每奏對上輒稱善除國子博士隨扣輒應莫不樂得經師上一日御奉天殿倣偕諸儒侍側召至前諭之曰經學必宗孔子毋以儀秦縱橫語示諸生也倣頓首謝歸而告誡士子屏去戰國策諸書勿讀自是傳經者文日益醇明年詔擇諸生之聰悟能文者三十五人命倣領教之且令修詞以漢司馬遷班固唐韓愈宋歐陽修蘇軾爲法尋於諸生

中擢李擴黃義等入文華武英二堂說書多至大用倣
自專師席旦夕誨迪不倦士多成業丙辰乞歸 上御
奉天門御史臺左大夫汪廣洋右大夫陳寧奏博士趙
倣以詩經施教成均者四年其弟子爲方岳重臣及持
節各部者徃徃有之是不爲無功今年逾七十筋力衰
衰精神不完願 陛下放歸山中以盡其餘齡 上可
其奏加倣官爲翰林待制勅給誥命致仕戊戌倣詣闕
謝 上召之使前問曰卿何郡人對曰會稽 上曰向
爲兵部侍郎出知萊州者卿之子邪對曰是也 上因
諦視之曰誠耄矣歸養爲宜倣頓首而退初倣子圭玉

官法從時倣作訓忠之書教之圭玉內是服政有名世
以倣爲愛而能誨卽爲侍郎者也越七日 詔出庫錢
二十五緡賜倣拜謝遂行廣洋及寧皆賦詩贈倣和者
成什司業樂韶鳳授簡學士宋濂爲序率同官暨諸生
千餘人送之都門聚觀莫不美其榮遇云倣後考終於
家年八十一

博士錢公

公名宰字子予會稽人博學能文洪武二年舉儒士爲國子助教時新設教條限以歲月程其課業而升降之旣以次升舍乃得選登仕籍然士方畏懼爲法所繩惴惴莫有願學者公莊重和易諸生每一就之輒戀戀不能舍以是爲時明師十年三月己卯朔以年老乞休許之勅授文林郎國子博士致仕勅曰朕戡定四方卽開學校延師儒俾勛賢子弟凡民俊秀莫不從學教以經史六藝明體適用布列中外共保太平於無窮助教錢宰學問老成訓導有方在學數年綽有成效朕方嘉諸

生有所矜式而年滿七十懇辭還鄉特授文林郎國子
博士致仕爾尚師表一鄉訓誘後進以裨治政庶幾不
愧鄉大夫之教則朕猶有望焉公既歸精力猶壯宣
上德意有從之遊者輒開廸不倦遠近宗之二十七年
上觀蔡氏書傳象緯運行與朱子詩傳相悖其他註說
與鄒陽鄒季友所論間有未安者遂 詔徵天下儒臣
定正之於是唐鐸等舉公及致仕編修張美和致仕助
教靳觀等竝遣行人馳傳徵之是年四月至京入見
上語以正定書傳之意命學士劉三吾總其事禮遇甚
厚書成 上以蔡氏說已行亦不復重頒也一日思歸

因微吟曰四鼓鼙鼙起著永午門朝見尚嫌遲何時得
遂田園樂睡到人間飯熟時 上聞之召宴諭曰昨日
好詩然何嘗嫌汝何不用憂字拜謝請罪 上笑曰容
遂汝樂時建酒樓初成賜公等鈔宴其上人各霑醉獻
詩以謝 上覽之大悅復遣禮部尚書任亨泰諭旨諸
儒有年老願歸者先遣之公齒最高與衆皆請留 上
聞喜曰朕知諸耆宿終能成朕志其善視之九月書成
賜名書傳會選命亨泰梓行之賜公等宴及鈔令馳傳
歸又三年乃卒壽九十六初公嘗病近代新聲太繁刻
意古調擬漢魏而下諸作及古詩十九首且各補其未

純者詞林稱之所著有臨安集

叅政陳公

公名觀字廷賓負雋才通經史百家學善屬文元季亂
不仕自號莒峯耕隱子與鄉人方時舉郭惟貞族人本
初等二十二人作真率會選勝賦詩以道義相切磋有
壺山文會集行世洪武初應明經辟本府訓導抗顏師
席諸生翕然多所成就間四歲被召昂然獨異 高皇
問曰彼頎而皙者何人觀出對 上試以王猛捫蝨論
稱旨不數月擢陝西叅政以廉謹稱一日 上忽馳召
陞見諭曰爾可侍吾左右於是日與宋學士溥等備顧
問 上益察其恭誠嘗面命撰鍾山賦立就嘉之祖母

喪歸賜之銓幣服除赴闕未及收拜以疾卒年四十九
公持身守官動皆不苟而於清白一節尤其所長兒孫
或從容問陝產金其鑛何狀公驚曰吾待罪藩寮幸不
挂吏議足矣何金之問耶故其卒也妻子困甚子熊貢
入國學乙酉應天鄉薦上春官卒

弘文館學士羅公

公名復仁吉水人少嗜學博覽經史尤通天文書初爲
漢辟爲翰林編修復仁知友諒盜雄非帝王器遁去壬
寅大明兵取九江復仁杖策來歸上甚喜置左右
癸卯從破友諒於鄱陽齋蠟書招袁臨吉贛諸郡甲辰
友諒子理固守武昌不下命往諭降之擢國子監助
教以老賜小車出入每宴見賜坐食飲兩午使山西曉
譬擴廓洪武元年遷翰林編修二年齋詔諭安南歸所
侵地安南遺金貝土物甚多却之上聞其事益義而
嘉之隨拜弘文館學士公敦茂簡樸若草野倨侮而胸

中丁了 上與談率意陳得失無所顧避常操南音以
對 上顧賢其質直呼爲老實羅而不名嘗索其第公
方操塗具完壁急呼妻抱兀坐上 上曰賢士豈宜居
此命 賜第城內遇 天壽節製水龍吟一闕以獻
上悅厚賜之尋乞致仕見許陛辭 賜大布衣題其裾
曰性雖粗率忠直可喜賜汝布衣 歸田里久之復召
乘傳至京師奏獻江西秋糧軍籍等事 上憐其老留
三月賜玉帶鐵杖裘馬食具遣還以 有玉堂唱和
集子養蒙孫簡有傳

侍讀學士知州秦公

公名裕伯字景容大名縣人從父仕元都就學冒監登第累官至福建行省郎中會世亂棄官寓揚州復避地上海養母母卒舉喪如禮時張士誠據蘇州遣人招之不納吳元年上命中書省檄起之對使者曰受元祿二十餘年背之不忠也母喪夫終忘哀而出不孝也乃上書中書省固辭洪武元年復徵稱疾不出上手書諭曰海濱之民好圖裕伯智謀之士而居此地苟堅守不起恐有後悔裕伯拜書入朝辯博善爲辭說授侍讀學士上登鍾山命與學士朱升張瑄等扈從擁奉

亭給筆劄卽景賦詩甚見寵待一日言元時告反者皆
不坐 上曰此何等事寬之至此所害善良必多命反
坐懲後由是刀風始息二年降侍制時論學術政事皆
當 上意四年蜀地平 上因與侍臣論用將曰秦祿
伯嘗言古者帝王之用武臣或使禹使貪其說雖本於
孫武然其言非也夫武臣量敵制勝智勇兼盡豈可謂
禹攻城戰野捐軀殉國豈可謂貪若果貪禹之人不可
使也尋出知隴州卒于官

侍讀學士張公

公名以寧字志道先固始人後徙古田質清粹甫六歲
日記千言八歲時人訟其伯父逮于獄忿不能平詣邑
伸理言有條序令異之命賦琴堂詩立就語甚新奇伯
父由是得釋十五往寧德受學于韓古遺歷五年方歸
學業大進登元大定丁卯進士初任黃巖州判官以計
擒捕海寇殆盡陞六合縣令有惠政內艱阻兵亂教授
淮南者十年後徵國子助教累官翰林有俊才博學善
記尤長春秋盡授其學于趙光霽光霽字仲濂泰州人少穎異讀書五行俱下元末翰林侍讀學士張以寧留滯江淮光霽從之游以寧博學善擒詞尤長春秋嘗與大梁張氏訂定春秋

經說而序之其略曰春秋者聖人之心也生殺萬物天
 地之心無心也至仁焉耳矣貪鄙萬世聖人之心無情
 也至公焉耳矣天地也聖人也惟聖人能知之能言之
 游夏且不能與而謂後之人若左氏若公穀氏能盡知
 且言之乎後之學焉者弗據經以說經顧任傳以疑經
 聽其亦惑矣故以寧談經通融三傳兼用公穀先露諸
 聽講解至忘寢食嘗書其後以寧見而大嗟賞之洪武
 十二年以明經舉為國子學正自常教外四方髦士名
 及之游戶外履恒滿十七年陞授春秋博士作春秋鈞
 義二十卷以關明聖經之旨學者競傳習之咸以寧授
 以恩義旦夕不忘時以寧沒已久遺稿散落遺其子往
 急楊賡得其詩百餘篇梓行之後以寧子矩貢入國學
 以其文驚示先露一見悲喜交集復梓云元末遺老多凋
 行焉亦工詩每篇出學者每誦頌云

謝以寧獨擅名于時人呼為小張學士洪武元年王師

入元都與危素黃肅夏以忠以忠字尚之袁州人傳其家學年四十餘用衍聖公

孔克堅薦授三氏學正危素治田維霸辟自副轉惠州
 教授改涿州照磨丙申燕都設廉寓科試中樞國史館

修調助教遷太史院都事王師克燕何入京復官以老
病辭歸會修元史徵起搜訪江廣行至番禺卒少年好
爲詩遭亂散失家亦廢少子正甫十二歲別去不復能
通聞同曉得復歸歸一年而卒蘇伯衡其舊友也爲作
哀王時以故官並徵拜侍讀學士知制誥兼修國史每
承顧問多所裨益賜誥褒論洪武己酉與典薄牛諒奉
命齎詔印使安南封其國王陳日烺御製詩送之未至
而王卒世子日烺遣其臣阮亮求詔璽不許曰此吉禮
非凶事也且旣易世矣當以奏聞因留居洱江俾諒往
諭世子遂復遣其臣杜順卿來告訃上喜以寧稱任
使親爲祭文遣主事林唐臣編修王康往祭安南王始
入境竣封事又安南止以揖爲禮喪事甚簡以寧教其

世子服三年喪并令其國人效中國行頓首稽首禮

上聞嘉之賜以勅書比之陸賈馬援再御製詩八篇

獎諭庚戌五月得疾卒于道命有司還柩于家所在

致祭以寧清潔自守臨終時有詩云覆身惟有黔婁被

垂索都無陸賈金詩文數十卷號翠屏集行世劉三吾

稱其節制似柳宏放似韓與蘇宋濂稱其文豐腴雄峭

清圓委蛇子煜滿沂知縣炬刑部員外郎孫隆平陽教

諭王時亦拜侍讀學士前在元以白金三千令方國珍

市馬汎海而歸老不可用

郎中知州林公

公名弼字元凱初名唐臣尤溪人至正進士授郡幕官
元亡著述山中洪武二年郡以名儒聞徵入更名弼與
宋濂王禕曾魯等同修元史書成賜金帛尋授考功主
事使安南祭其國王王前後持黃金二斤爲壽悉謝却
王遣使裝金請於朝上曰小國事大使臣不辱旣兩
得之可持金歸安南自漢唐以來冊臣奉貢比內諸侯
元時徵其重資責其躬朝不肯從乃有鑄金爲人夜光
爲月之徵夷心益離使者至多貪夫悅金貝坐致衰憊
至是與同使張以寧等皆固却始服中國有人遷豐城

令吏有作奸者度粥且置之法遂誣其受傭金一盤綴
傭死逮繫詔獄 上曰此卻安南金者謂受傭物耶援
筆草書休問二字遂得免改判饒州尋改垣面令適安
南國內亂弼再以薦往既還報召至奉天門親加慰勞
擢禮部郎中轉吏部出知登州有惠政卒於官弼博洽
羣書究心正學著作跌宕雄偉根極理道雅精臨池嘗
與王太史禕談書法謂用筆須偏正兼備乃臻妙境近
世趙孟頫側峯太多不能避筆牀月且禕時時語人曰
林元凱在閩毛中之麟介中之龜也禕來荆漳詠清漳
十詩有風流今孰繼林子亦其徒蓋指弼也所著梅雪

齊稿及使安南集學士宋濂序之始弼豐城被逮時舟
次湖口夢一木人口眼俱動覺曰吾不免矣既得御
筆休問二字乃知休於字爲木人而草書問字皆動象
也第虞臣薦明經授本府訓導陞中都國子助教孫僑
以筦訓導長於教誨東筦科目由此盛

侍講學士危公

公名素字太樸金谿人至正元年入經筵爲檢討年已四十一矣又之爲國子助教應奉翰林文字同知制誥兼國史院編修官歷禮部尚書中書叅知政事改翰林學士承旨字羅帖木兒入相出爲嶺北等處行中書省左丞棄官居房山復起爲翰林學士承旨已而元亡

上召至京授侍講學士少能讀書年十五卽通五經大旨與邑人曾子白朱夏並以文章名家據座爲人師徒步走臨川吳文正公澄清江范文白公粹之門質而正之二公皆折行輩與之爲禮吳公至恨相見之晚凡所

著書多與叅訂因受知于虞文靖公集孫先生數間出
游金陵或以其文示南臺中丞張文穆公起巖張以狀
元爲顯官少所稱許獨推服公曰危君爲狀元庶幾相
當老夫有愧色矣張旣朝遂挾以行達官貴人更相論
薦唯恐失之至正元年入經筵爲檢討年四十一矣移
書執政請修宋遼金三史行所在訪摭闕失遺書書成
其力居多元順帝知其學問特命註爾雅較君臣政要
改國子助教以善筆劄詔書釋氏書辭曰臣官冑監以
教化民彝爲職外教之典不宜書得止尋應奉翰林文
字同知制誥兼國史院編修官嘗白事丞相前極言無

隱丞相賀惟一曰君向寡言今何多也素曰時危恩重
豈能默默素不敢畏丞相畏後世史官耳歷禮部尚書
叅知政事先是江南經畧使普顏不花李國鳳請封徵
國朱文公爲齊國公以龜山楊公豫章羅公延平李公
西山真公九峯蔡公從祀於孔子廟廷公爲御史時亦
請封盜劉黃皆寢不報至是舉行李羅帖木兒入相出
爲嶺北等處行中書省左丞棄官寓居房山者四年順
帝北奔淮王帖木兒不花監國承制起翰林學士承旨
入朝信宿 大明兵入燕素故與待制黃昇同邑少同
學相約死難昇將投居賢坊井中從人午出之曰公小

臣死社稷邪昇曰齊太史兄弟皆死彼不小臣哉午終
不釋負昇還舍置酒殺使家人守之會大將軍下令勝
國臣皆輸告身昇詣午取告身若欲輸官者午喜出沽
酒慰藉及還弗見求之井汙屍矣素亦走所居報恩寺
脫帽井傍兩手據井口俯身將就沉寺僧大梓與番陽
徐彥禮大呼曰公毋死公毋死國史非公莫知公死是
死國之史也力挽起之已而兵入府藏垂及史庫言於
鎮撫吳勉輩而出之由是累朝實錄無所失既入朝

上嘗訪以元興亡之故甚見禮重日與劉基羅復仁胡

鉉睢稼

稼長于文學授翰林應奉洪武二年陞中書省
參知政事十月十三日甲戌薨諡降於乾清宮

後苑茶松之上光潤如酒凝結如脂又如珠明白倍甘
前布松柯繫列氣達左右動響清潤兩子李善長率羣
臣稱賀上曰甘露之降載在往牒然休咎之徵當以
類應朕思足以致斯卿等爲朕明言之祿等各引經典
以對上推而不居三年同居館中時資獻納宋穆陵
改弘文館學士以老致仕
顧骨爲楊輩真珈所發入宣政院西番僧相傳授爲祭
器言於上索取瘞之聚寶山頂之坐失朝免居一歲
復之兼弘文館學士賜小車免朝謁一日同諸學士賜
酒饌屢命盡觴內官承旨監勸甚力酒終上御製詩
一章繫序于首命各以詩進素成最後上覽之曰危
素老成其有先憂之意他日上御東閣側室素履聲
索索行簾外上曰誰對曰老臣素上曰朕謂文天

祥也而乃爾御史王著等勅業亡國之臣不宜列侍從
謫含山爲余闕守廟踰年卒所著文集五十篇奏議二
卷宋史稿五十卷元史稿若干卷子二千元薊州同知
隨父歸國爲安慶府教授游元大都路儒學提舉前卒